

附錄

阿計替傳

阜昌七年春阿計替以其所書上皇少帝鄭后朱后
生死事囑余曰秘密之蓋余與阿計替姻婭也阿計
替本河北棣州人靖康中因賊將攻城守臣王若思
投降時為中府介吏來日賊將缺立熾憾入城王若
思與相見拜跪坐廳上鐵立熾憾曰此人貌似吾兄
吾當重之乃以卮酒賜我曰飲之乃呼我從行至是
月餘河北征戰命我常隨之一日熾憾詣鞞離不
帳請見議事亦將我偕行時我以番服裝束鞞離不


積學齋徐乃昌感書



國家圖書館, NATIONAL CENTRAL LIBRARY, TAIWAN, R.O.C.

北狩圖身錄


十一



可十書專


一見呼我曰阿計替何尚在我但唯熾憾曰非真
阿計替也乃此人貌相類爾問我則云是家人也且
使人訓我以番語謂熾憾曰但呼他作阿計替待我
照管他一日幹離不與熾憾飲次且曰阿計替休去
他帳中自此只在幹離不帳下手執刀劍或弓矢幹
離不惜我之慎謹常語以盜事靖康二年我已
在幹離不帳下執弓矢隨幹離不圍京城之安上門
親見幹離不帳下將鐵斯可紅敗郭京以刀斫落京
左臂遂墮地為可紅殺之時可紅縱兵薄城下高舉
皂旗指揮人渡濠以石投墻時安上門之西有金國

兵將靡斯赤者領一軍名曰赤伏軍運皂旗于洞子
上偶為城上軍人所得遂殺之奪其皂旗手持呼于
城上曰殺了番人也衆皆誤以為金兵上城爭相奔
潰金人因見城上軍潰乃上城東京之陷出于談笑
之間次日幹離不入城居端相寺命阿計替領軍人
打擄凡得財物千許女子十四人而內城尚閉而未
開然金人已將子城駐軍矣又明日子城開幹離不
入子城居阿育王寺法堂時有執女子三人至曰獻
與大王時幹離不屬北郡先曾作焉者王故呼為大
王也阿計替旁立視其女皆姿色顫汗不能言問其




實乃荆王宮三女也。長曰檀，次曰修奴，幼曰瓔珞。今日軍人到荆王府，取金寶，將我父母盡敲殺，留我三人。在此唯流涕嗚咽。幹離不呼其子尚擊兒，曰：「你奴婢三人，遂引三女去。是夕聞尚擊兒俱淫焉。自此日，有挾羨女子到者，幹離不曰：「若是百姓女子，即分典左右親屬。若是皇族中女子，即賜典尚擊兒。緣離不年雖六十餘歲，性猶酷烈，莫敢逆其意者。尚擊兒有弟曰陸薦，年尚幼，每見女子，必就其父求之。幹離不，與一日伺尚擊兒大醉，使人殺之。盡將其女子中有絕色者，自東京出奔，外氏粘罕之長子。

幹離不自此以後，不令人擄掠女子，所服事者二人，皆美色，亦絕之。後亦入城，反為他軍所獲。尚擊兒所遺下，猶有二十餘人。幹離不悉以分典左右親從。阿計替所得一婦，究其本末，云是東京珠子舖王舅外女，年十九歲，嫁質舖周家為媳婦。番人入城，殺戮滿家，被番人將我來獻元帥，遂典尚擊兒，說其人飲酒五斗餘，啗肉五七十鬻，每醉必御婦人，自夜至曉未嘗少輟。眾婦人不勝其苦，既而為其弟所殺。群婦人皆喜，奴有一妹，同在尚擊兒閣中，亦為陸薦說劫去。其後三月間，車駕出城，幹離不呼阿計替曰：「我昨已



于元帥前說及教你去隨南國官家前往燕京次日
韓離不引阿計替見元帥粘罕其人面如赤棗色大
耳蝦身目有赤光顧視威人呼阿計替曰你是南州
鐵立熾憾之兄乎曰然曰今教汝押送趙家父子并
他二妻往燕京在路須要小心因遣一副千戶同去
至中途見騎兵護二帝至乃即隨同迺運至京及移
安肅軍雲州五國城西汗州又自源昌州等處往來
萬有餘里後少帝復自源昌州徙燕京又復三四年
遂再四語余曰我隨二帝二后跋涉萬有餘里若非
我愛護他死亦早矣又曰我本大宋人感他南朝恩

德者故在路所在不拘執唯是溫言撫恤及戒約左
右小心護衛而已余到冀州乃將前過州府所經事
跡一以語余曰萬一此文得達江南使中原可復腥
羶可除而欲其實當以此進然余念阿計替之納忠
故直書其事于前又見其本末于後如此不暇飾之
以文辭而覽者幸毋笑其拙其間倘得忠義之人能
流傳以至南方亦可顯阿計替之忠也今因朝廷議
以河為界有張氏者欲南歸余乃書其本末與之令
持以南渡其遺稿殘文悉已焚之不存其跡矣阿計
替本姓朱氏名得成河北棣州人也今見為滑州宣





德使云

附錄阿計替傳終

所誌者傳

國家圖書館 NATIONAL CENTRAL LIBRARY, TAIWAN, R.O.C.



國家圖書館, NATIONAL CENTRAL LIBRARY, TAIWAN, R.O.C.

